



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LXXIII. Insvlense S. Petri Collegivm in Flandria.

urn:nbn:de:hbz:466:1-11227

S. IOANNIS BAPTISTAE
Collegium Frisingense.

Ista collegiata Ecclesia dotata & fundata per *Albertum*, Episcopum Frisingensem circa annum 1180. consummata per *Conradum* tertium Episcopum, qui ibi constituit sex Canonicos, vnà cum Præposito. *Conradus* iste Episcopus, Canonum, obiit anno 7. suæ administrationis, Christi verò 1322.

ISMENSE COLLEGIUM IN
Bauaria.

Iosephus Episcopus Frisingensis, ope *Vtilonis* Ducis Collegium Mystrarum instituit, cui Flumen *Yseniscus* (in cuius ripa conditum est) nomen fecit, sicut & vico *Isin* circa annum 750. vel 760. teste *Auentino* in annalibus.

CAPVT LXXIII.

INSVLENSE S. PETRI COLLEGIUM
in Flandria.

BALDVINO Barbato, Flandrie Comiti anno 1035. defuncto successit filius eius *Baldwinus Insulanus*, sic dictus, eò quòd apud *Insulam*, castellū & Ecclesiam *Sancti Petri à Fundamentis* edificauit, & in eadem Canonicos XL. constituit. Is autem beneficia sua anno millesimo quinquagesimo sexto Ecclesie *Sancti Petri Insulensis* conferens, ex propria mensa

mensa sua nihil conferre voluit, ne forsitan à posteris, sua repetere cupientibus, Ecclesia dispendium aliquod pateretur; sed omnia collata ab inquilinis ea pecunia comparauit, quam in vsus quoscunque impendere potuisset, sicq; comparata in manus Philippi Francorum Regis, Dominij sui resignauit. Qua quidem omnia Insulensis Ecclesia ex manu dicti Regis accepit, vt tutius illis gauderet. Comes itaque rebus omnibus ritè constitutis, viros idoneos vndequaque euocauit, & in Ecclesia sua Canonicos X L. constituit. Ita vetustum Chronicon Gandense manu scriptum.

Diploma tamen institutionis anno demum 1066. est datum; quod est tale;

Ego Balduinus Flandrensis Comes & Marchio, coniugis meae Adelaë, & filij mei Balduini salubri acquiescens consilio, Basilicam in honore B. Petri Apostolorum Principis, à fundamento construens, congregationem Canonicorum in eadem, Dei clemētiam pro anima mea & antecessorum meorum, vxorisq; meae, ac filiorum meorum, & omnium Dei fidelium, die noctuq; exorare institui, eisq; ad vsus necessarios de rebus possessionis meae tradidi, quae inferius continentur, libera videlicet omnimodò & ab omni dominatione seu potestate cuiusque absoluta, excepta eius quidem, quem Praepositus & Canonici, eiusdem Ecclesiae in loco à progenitoribus Isla nominato, fundatae, communi egerint voluntate &c. Actum apud Islam in S. Petri Basilica coram Philippi Francorum Regis praesentia, anno septimo imperij

perij

perij eius, anno ab incarnatione Domini 1066. indictione IIII.

Vide Meijerum in Annalibus Flandriæ.

Ceterum quattuor hodie Episcopi inter Canonicos Insulenses recenseri posse videntur nimirum Tornacensis, Iprensis, Bolognensis, & Brugensis. Iprensis enim & Bolognensis Episcopi, portionem Canonicam olim Morinensi debitam, inter se partiuuntur; Brugensi verò cedit ea, quæ olim Præposito Sancti Donatiani Brugensis debebatur.

Habuerunt autem Insulenses Canonici multo tempore Guardianum seu Protectorem Regem Francorum: sed Maximilianus I. Augustus, Belgarum Princeps, lite effecit, vt deinceps id officij Comes Flādræ sibi reseruet: vt Ioannes Molanus in Natalibus Sanctorum Belgij, I. Febr. commemorat; vbi de S. Euberto Episcopo, Insulis ad D. Petri quiescente, agit. Additque numerum Canonorum Insulensium, in communi viuentium primitus fuisse incertum, iuxta qualitatem bonorum; sed postea auctoritate Apostolica determinatum fuisse numerum quadragenarium. Chronographus tamen Gandensis & Meijerus volunt ab initio XL. Canonicos esse delectos.

Hodie quadraginta sunt Præbendæ, vt vocant, præter Præposituram eximiè dotatam.